

Headline	Limbang terpilih tuan rumah Program Simulasi Haji Cilik		
MediaTitle	Utusan Borneo Sarawak		
Date	14 Mar 2017	Color	Black/white
Section	News	Circulation	45,554
Page No	8	Readership	136,662
Language	Malay	ArticleSize	326 cm <sup>2</sup>
Journalist	N/A	AdValue	RM 1,057
Frequency	Daily (EM)	PR Value	RM 3,171



## Limbang terpilih tuan rumah Program Simulasi Haji Cilik

**LIMBANG:** Limbang terpilih menjadi daerah pertama di negeri ini menganjurkan Program Simulasi Haji Cilik Kanak-Kanak Tabika anjuran Jabatan Kemajuan Masyarakat (KEMAS) dan Tabung Haji Limbang.

Pegawai KEMAS Daerah Limbang Nooreffariza Awang Musliani berkata program diperkenalkan pada tahun lalu memilih Pulau Pinang sebagai lokasi pertama dan Limbang pada tahun ini.

Menurutnya, program juluhan kali itu bagi memberi pendedahan suasana sebelum dan ketika menuaikan iba-

dah haji sebagai pengetahuan serta latihan praktikal kepada peserta.

“Limbang menjadi destinasi pertama di negeri ini bagi Program Simulasi Haji Cilik Kanak-Kanak Tabika KEMAS anjuran KEMAS dan Tabung Haji,” katanya di sini kelmarin.

Turut hadir Pengurus Tabung Haji Limbang Mohd Zaini Hamdi, penceramah program yang juga bekas Pengurus Tabung Haji Labuan Shamsudin Ali dan guru-guru Tabika KEMAS Limbang.

Seramai 100 kanak-kanak

dari 17 Tabika KEMAS menyertai program itu.

Nooreffariza berkata, pihak sekolah mengambil inisiatif membantu kanak-kanak berusia seawal empat tahun bagi memahami dan mempelajari cara melaksanakan ibadah haji menerusi pendidikan secara tidak formal.

“Program Simulasi Haji Cilik ini selaras dengan misi jabatan dalam usaha menyuburkan kecintaan kepada Islam dan ilmu pengetahuan,” jelasnya.

Program bermula jam 8.30 hingga 11 pagi itu mendidik

peserta terbabit secara langsung bagi memakai pakaian ihram sekali gus menghayati pengalaman mengerjakan ibadah haji.

Ia juga diadakan untuk memberi pendedahan awal mengenai ilmu praktikal simulasi ringkas mengenai ibadah haji.

Turut diadakan kaunter bergerak Tabung Haji serta kaunter Tabung Baitulmal Sarawak (TBS) Limbang.

Aktiviti berteraskan fardu ain itu termasuk menjalankan ibadah tawaf, berwukuf, mengutip batu dan melontar jamrah.



**HAJI CILIK:** Nooreffariza (duduk kiri), Mohd Zaini dan Shamsudin bersama guru dan kanak-kanak Tabika KEMAS kelmarin.